

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWEKUCALA LWEKWENGETA (FAL)**

**LIPHEPHA LEKUCALA (P1)**

**LWETI 2017**

**EMAMAKI: 80**

**SIKHATSI: Ema-awa 2**

**Leliphepha linemakhasi la-14.**

**TICONDZISO KULABAHOLWAKO**

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Takhi netimiso telulwimi	(40)

2. Phendvula YONKHE imibuto ngeSiswati.
3. Cala LESO NALESO sigaba ehasini LELISHA.
4. Dwebela ekugcineni kwaleso NALESO sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisia sipelingi/lupelomagama nendlela lewakha ngayo imisho.
8. Kwehlukaniswa kwesikhatsi:
- SIGABA A: Emaminithi 50  
SIGABA B: Emaminithi 20  
SIGABA C: Emaminithi 50
9. Bhala ngebunono nangesandla lesifundzekako.

**SIGABA A: SIVISISO****UMBUTO 1**

1.1 Fundza letheksthi bese uphendvula imibuto lelandzelako.

**ITHEKSTHI A****UMTALI LOCOTFO**

- |   |  |    |
|---|--|----|
| 1 | Thandi losebentela Litiko Letekulima eMpumalanga, abesahleti tinyanga letine ekhaya angakabuyeli emsebentini emva kwekutfola umntfwana wentfombatane lewametsa libito watsi nguPhindile ngobe bese kuyintfombi yesibili lapha ekhaya. Angakabuyeli emsebentini wacasha make lobekatawuba yineni asale anakekele Phindile.  | 5  |
| 2 | Emva kwetinyanga letilishumi nesiphohlongo Thandi waba nekumangala. Wabona luntjintjo labengakalulindzeli, ngekutiphatsa kwendvodzakati yakhe. Abebona Phindile ahleka nakadlala nalomake lomnakekelako. Bekubonakala vele kutsi uphatseka kahle futsi uyakujabulela kuba naye. Umndeni waThandi wake watsatsa liholide leliviki lonkhe waya eBlydespoort Aventura, bahambe naye Phindile.   | 10 |
| 3 | Bebajabulile babona tindzawo letinhle naletingakajwayeleki kubo, ngobe sikhatsi lesinyenti basicitsa basemsebentini. Kwatsi nakuphela liholide babuyela ekhaya, batsi nabafika bangena endlini, Phindile watiphosa kuleneni yakhe ahleka kubonakala kutsi ujabulele kumbona. Thandi watibona angenayo indzawo emntfwaneni wakhe.   | 15 |
| 4 | Thandi kwamhlupha emoyeni lokwenta kwaPhindile wate wavakashela lomunye umngani wakhe longudokotela. Phela lodokotela bekanguchwepheshe webantfwana. Wafika Thandi wamchazela ngekutiphatsa kwaPhindile nakabona lomake lomnakekelako. Dokotela wamtjela kutsi yintfo lejwayelekile lena, emva kwekucitsa emahora lalishumi ngelilanga ahleli neneni unina asemsebentini, loko kwenta kutsi atayele kakhulu ineni kwedlula make wakhe ngobe sincane sikhatsi lahlala sona namake wakhe. Loko kukhombisa indzima ledlalwa yineni emphilweni yemntfwaneni wakhe. | 20 |
| 5 | Nangabe ungumake kuyenteka kutsi uve kwangatsi sikhala sakho sesivalwe ngumunfu lomcashile emntfwaneni wakho. Dokotela uyachubeka umtjela kutsi angesabi ngobe sikhala sakhe njengemtali angeke sivalwe ngumunfu, loko kudaliwe. Budlelwane emkhatsini wakhe nemntfwanakhe angeke buphele. Umntfwana unamatsela kumunfu latayele kuba naye futsi ujabulela lutsandvo lalutfola kuye hhayi kutsi ineni ingakwendlula emntfwaneni wakho.   | 25 |
| 6 | Umntfwana wetayela indlela letsite yekumdlalisa, yekumphatsa, yekumdlisa kanye nekucoca naye. Uma ungumtali losebentako awutati letindlela letetayelwe ngulomntfwana, kungako utawubona kwangatsi akajabuli nakanawe. Umtali ubaluleke kakhulu emphilweni yonkhe yemntfwanana. Lutsandvo lwemtali ludala tintfo letinyenti emntfwaneni.  | 30 |
| 7 | Umntfwana ukhula ati kutsi kute umntfu longetulu kwemtali wakhe, konkhe lokutamvelela ugijima ayokubika kumtali wakhe ngobe ametsemba. Loko kwenta kutsi naye atetsembe ngobe utiva avikelekile emphakatsini. Umntfwana inhlonipho uyifundza ngekutsi acale ahloniphe batali bakhe futsi abatise. Loko kumenta kutsi nobe aphumela ngaphandle akhone kuhlonipha labanye bantfu.  | 35 |
|   |  | 40 |

- |   |  |    |
|---|--|----|
| 8 | Lutsandvo laniketwa lona ekhaya umntswana uyakhona kulubonakalisa nakulabanye bantfwana ladlala nabo. Ufundza kutsanda bantu ngobe naye atsandwa kabo. Akabuki labanye bantu njengetintfo letingenamsebenti kepha ubapha lutsandvo. Umntswana ufundziswa ngumtali kutsi loko lanako akahlephulelane nalabanye, angakhuli ati kutsi tonkhe tintfo takhe yedvwa. Akakwati kutsi loko lanako nalabanye bayakudzinga. Ineni kumele yelekelele umtali ekufundziseni umntswana ngobe phela lugotjwa lusemanti. Ineni ngiyo lecitsa sikhatsi lesinyenti nemntswana ebuncaneni bakhe, kungako kufanele imlungiselele kuphuma ayobukana nebantu nasekacala kufundza. Umntswana ufundziseka kahle asemncane. | 45 |
| 9 | Esikhatsini sanyalo tiningi tinkinga letibukene nebatli ngobe batali labanyenti bayasebenta futsi basebenta ngekutikhandla. Umtali ufunu kuba nelikhaya lelibukekako lapho atokhulisa khona bantfwana bakhe. Uhlala atikhatsata ngekutsi umntswana wakhe utawukhula njani, utawudlani futsi utawugcokani. Batali banyalo batihlupha kakhulu ngemfundvo yebantfwana babo. Loyo naloyo mtali ufisa kubona umntswana wakhe asezingeni lelihle emphakatsini. Umtali usebentela likusasa lemntswana wakhe.  | 50 |

[Itsetfwe ephephandzabeni, Lilanga laseNatali lamhla ti-23 iNhlabi, Likhasi 30, 2013]

- 1.1.1 Khetsa YINYE imphendvulo. Bhala lamagama ngetinombolo 'lishumi nesiphohlongo'.
  - A 16
  - B 19
  - C 14
  - D 18(1)
- 1.1.2 Nika ligama lendzawo leyavakashelwa nguThandi nemndeni wakhe. (1)
- 1.1.3 Kuletheksthi khipha sizatfu lesenta umntswana etayele kakhulu ineni kwengca make wakhe. (1)
- 1.1.4 Yini leyentiwa nguPhindile nababuya kumaholide leyavisa make wakhe buhlungu? (1)
- 1.1.5 Ngumuphi umehluko longawusho phakatsi kwaleneni namake waPhindile? (2)
- 1.1.6 Chaza kutsi umtali angamfundzisa njani umntswana kutsi angancishani. Bhala emaphuzu LAMABILI. (2)
- 1.1.7 Kuletheksthi khipha TIMBILI tindlela letetayelwa ngumntswana kuloyo lohlala naye. (2)
- 1.1.8 Ucabanga kutsi kufanele yini kutsi umtali aphatseke kabi uma umntswana atsanza ineni kudlula yena? (2)
- 1.1.9 Kubalulekile yini kutsi kube nabodokotela lababochwepheshe bebantfwana? Chaza. (2)
- 1.1.10 Ucabanga kutsi kuba yini umphumela wemntswana lokhuliswa ngelutsandvo nekunakekelwa? (2)

- 1.1.11 Kuliciniso nobe kungumbono kutsi onkhe emaneni abaphatsa kahle bantfwana? Sekela imphendvulo yakho. (2)
- 1.1.12 Ngekubona kwakho kufanele yini kutsi kube bomake kuphela labanika bantfwana lutsandvo? Sekela imphendvulo yakho. (2)
- 1.1.13 Tento taPhindile tiveta leneni ingumunfu lonjani? Bhala emaphuzu LAMABILI. (2)
- 1.1.14 Ngabe Thandi usitakele yini ngekuyobonana nemngani wakhe longudokotela? Sekela imphendvulo yakho. (2)
- 1.2 Fundzisia lesibonwa bese uphendvula imibuto lelandzelako.

**ITHEKSTHI B**[Itsetfwe ephephabukwini, *i-Drama*, lamhla ti-15, Inyoni 2016]

- 1.2.1 Khetsa imphendvulo yakho. Buso balaba labavetwe kulesibonwa bukhombani?
- A Kutfukutsela
  - B Kujabula
  - C Kulibala
  - D Kuhlakanipha
- (1)
- 1.2.2 Yini lekhomba kutsi lomake uyabatsandza bantfwabakhe? (1)
- 1.2.3 Ngutiphi tintfo letingentiwa batali ebantfwaneni babo kute bahlale bajabulile? Nika KUBILI kwako. (2)
- 1.2.4 Ngekubona kwakho kubalulekile yini kutsi batali bacocisane nebantfwababo? (2)

**SAMBA SESIGABA A:** **30**

**SIGABA B: SIFINYETO****UMBUTO 2**

Fundza letheksthi bese ubhala **tintfo letisikhombisa letimayelana nemacebo lamahle emphilweni.**

**TICONDZISO**

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

**ITHEKSTHI C****KWENTA EMACEBO LAMAHLE EMPHILWENI**

Licebo, umcabango nobe luhlelo lolufika engcondvweni yemuntfu emva kwekuhlala acabange lokutsite. Malanga onkhe kunyenti lokufika kwedlulele etingcondvweni tebantfu. Lokunye kusuke kungasho lutfo kodvwa lokunye kunemandla ekugucula timphilo tefu.

Kufundza emabhuku kulicebo lelihle nalelibalulekile lelitawukwenta utati kutsi ubhekephi emphilweni. Lwati lolunyenti lwetemabhzinisi, imibono yesakhiwo lesihle, tifundvo tebunjiniyela kutfolakala ngekufundza emabhuku. Kulapho utitsatsela tincumo letitakuyisa emphumelelwendi. Emacebo lamahle achamuka ngekuba nelwati.

Kufundza kuba nesifuba kuyintfo lenhle kakhulu. Imicondvo yetfu ivame kudideka utfole sibamba singati kutsi ngusiphi sincumo lokufanele sisitsatse. Kuye kube kuhle kutsi nangabe umuntfu akutjela indzaba lesesifubeni sakhe bese uyayigcina ungayedluliseli kulabanye bantfu nobe bangani bakho. Kuyasita kutsi utfole indzawo lethulile kuze ukwati kucabanga kahle. Konkhe lokufika nobe lokugcine emcondvweni wakho ngaleso sikhatsi uyakwati kukubambisia.

Kuhlala ulungele kubukana nanobe ngusiphi simo lohlangabetana naso. Onkhe emacebo lafika engcondvweni yakho wacubungule kahle, emacebo lamahle longawasebentisa avame kufika uhleti nobe usesimeni lapho ungakalindzeli lutfo khona. Labanye baye batsi lapho sebabukene netimo letimatima bese bayehluleka kumelana nato bacolele kuhamba benta tintfo letingakafaneli. Loko kugcine sekubafaka ejele.

Uma unguuntfu jabulela kwehluka kwakho kulabanye bantfu. Kwenta longasiko kuze wamukeleke ebantfwini akukalungi. Ungatayeli kutibeka licala ngekwehluka kwakho. Imphumelalo itfolakala etintfweni takho letikwenta wehluke.

Gcila kuloku lokutsandzako ngenhlitiyo yakho yonkhe. Buka kutsi yini lena longayenta utsatse emahora lamanyenti kepha ungdzinwa. Ngumuphi umsebenti longachubeka nekuwenta ngisho nobe sebayekelile labanye.

Nakekela loku lokutsandzako ngenhlitiyo yakho yonkhe. Loku kubalulekile ngobe uma ungakwenti kutawuphela lutsandvo Ngaso sonkhe sikhatsi kuhle kutsatsa emashansi ngemphilo yakho. Ngembí kwekutsi uhlaliseke lapho uhleti khona, khumbula kutsi uma ungawatsatsi emashansi utinciphisela ematfuba emphumelelo. Hlala wati kutsi indlela leya emphumeleweni ifuna kutsi ubeketele. Uma ungabuka bantfu labavula emabhizinisi lamanyenti batsatsa iminyaka lengetulu kwalemibili libhizinisi lingakasimi. Kubeketela kukuletsela lokuhle.

[Itsefwe ephephandzabení, llanga lamhla ti-15 Inyoni, Likhasi 12, 2015]

**SAMBA SESIGABA B:** 10

**SIGABA C: TAKHI NETIMISO TEKUSETJENTISWA KWELULWIMI****UMBUTO 3: SIKHANGISI**

Fundza lesikhangisi lesingentasi bese uphendvula imibuto lelandzelako.

**ITHEKSTHI D**

**AWUKHONI KUCABANGA NEKUCABANGISISA TSENGA I-XCEL  
BRAINPOWER UFUNDZE KANCONO!!!**

- ✓ **Yenta ukhumbule konkhe lokufundzile.**
- ✓ **Yenta kuse nge engcondvweni.**
- ✓ **Ingeta umfutfo wekufundza.**
- ✓ **Inciphisa kudzinwa, ibuyise umcondvo.**
- ✓ **Ingasetjentiswa kwelapha iyodvwa kantsi futsi ingahlanganiswa naleminye imitsi yabodokotela.**
- ✓ **Yi-Xcel brainpower kuphela lengakuncedza etifundvweni takho.**
- ✓ **I-Xcel brainpower iyatfolakala kuwo onkhe emakhemisi elive jikelele, ingemaphilisi nesirapu.**



[Itsetfwe ephephabhuwini, iBona yamhla ti-20, Inyoni 2016]

- 3.1 Bhala sihloko longakhangisa ngaso i-Xcel brainpower. (1)
  - 3.2 Kulomusho longentasi dvwebela lokusentakutsi.  
Bhala imphendvulo kuphela.
- Yenta kuse nge engcondvweni. (1)

3.3 Khetsa YINYE imphendvulo. Shano kutsi lenkhulomo ledvwetjelwe kulomusho longentasi isho kutsini.

Inciphisa kudzinwa, ibuyise umcondvo:

- A Kucabanga ufundze
- B Kucabanga uphile
- C Kucabanga ujule
- D Kucabanga ulale

(1)

3.4 Bhala inkhulomo lekhombisa kutsi loku lokukhangiswako kukunika emandla kulesikhangisi lesingenhla. (1)

3.5 Uyavuma yini kutsi yi-Xcel brainpower kuphela lengakuncedza etifundvweni takho? Sekela imphendvulo yakho. (2)

3.6 Bhala KUBILI lokukulesikhangisi longakutsengisela batsengi. (2)

3.7 Lokhangisako usebentise liphi lisu lelingenta batsengi labakashane batsenge lomkhicito wakhe? (2)

[10]

**UMBUTO 4: IKHATHUNI**

Fundza lekhathuni bese uphendvula imibuto lelandzelako.

**ITHEKSTHI E**

[Itsetfwe ephephabukwini, *i-Drum*, lamhla ti-24, Mabasa 2013]

- 4.1 Bhala umusho lokhombisa kucasuka kulekhathuni lengenhla. (1)
- 4.2 Khetsa YINYE imphendvulo. Shano kutsi lenkhulumo ledvwetjelwe enkhulumeni 2 isho kutsini?
- A Kunukana  
 B Kulitjatwa  
 C Kulekelelana  
 D Kutfwalisana (1)
- 4.3 Bhala sifinyeto saleligama lelidvwetjelwe kulomusho longentasi.
- Ngiyatsema uyativela Mnumzane. (1)
- 4.4 Lungisa ligama lelipaleke kabi kulomusho longentasi.
- Mine ngiyintsatseli levela enasipoti. (1)

- 4.5 Tsatsa sabito kulomusho longentasi usisebentise emshweni lotakhele wona.  
Impela ngibona konkhe akutsatsa kancane. (2)
- 4.6 Bhala lomusho longentasi uphikise lelidvwetjelwe.  
Madvodza ngiyasihlonipha sikhalo senu. (2)
- 4.7 Tsatsa ligama lelingena ngaphasi kwalelidvwetjelwe kulomusho longentasi utakhele ngalo umusho wakho.  
Sikunike tinyanga letimbili solo akunamphendvulo. (2)  
[10]

**UMBUTO 5: IPHROZI**

- 5.1 Fundza letheksthi bese uphendvula imibuto lelandzelako.

**ITHEKSTHI F****TIFO TEMATSAMBO NGEKUHLUKANA KWATO**

Tifo tematsambo tibanga butsakatsaka bematsambo lokuholela ekutseni asheshe aphuke. Bantu baye babukane nesimo sekulimala kwematsambo. Lena yinkinga lencane lebangwa kushoda kwe-vithamini D lesita kucinisa wona ematsambo. Inkinga yesibili ibangwa ligciwane lelichamuka esilondzeni lesimila enyameni lengetulu kwelitsambo njengesilondza sashukela. Labanye baye bahlaselwe ngumdlavuta welitsambo. Umdlavuta utinhlobo letimbili ukhona lochamuka kulo litsambo nobe kube ngumdlavuta lochamuka kulelinye lilunga lemtimba, uhambe kancane uyofika khona etsanjeni. Tinyenti-ke tifo letibanga kulimala kwematsambo. Uma unetinkinga tematsambo kubuhlungu kukhuphuka titepisi. Nakufanele usukume uyadzinwa imisipha iyacina. Uva umtimba ubanjwe tinhlungu. Labo labanematsambo labutsakatsaka kumele babonane nadokotela. Batawubalaphela esibhedlela. Bayalapha nobe sebadziniwe. 'Bantfwana ninakekele kahle ematsambo enu,' kwasho Nkhosatana Dlamini.

[Itselfwe ephephandzabeni /solezwe lamhla ti-10, Likhasi, 14 Kholwane 2016]

- 5.1.1 Lungisa ligama lelidvwetjelwe kulomusho longentasi lamukeleke eSiswatini.  
Bantu baye babukene nesimo sekulimala kwematsambo. (1)
- 5.1.2 Sinongo sini senkhulomo lesidvwetjelwe kulomusho longentasi?  
Umtimba ubanjwe tinhlungu. (1)

- 5.1.3 Khokha siphawulo kulomusho longentasi.  
 Lena yinkinga lencane lebangwa kushoda kwe-vithamini D. (1)
- 5.1.4 Cala lomusho longentasi ngekutsi: Cha ...  
 Tinyenti-ke tifo letibanga kulimala kwematsambo. (1)
- 5.1.5 Shano kutsi lamagama ladvwetjelwe kulemisho asebente njani.  
 (a) Umdlavuta ukabili ukhona lochamuka kulo litsambo. (1)  
 (b) Bodokotela banakekela bantfu labagulako. (1)
- 5.1.6 Shano kutsi lamagama ladvwetjelwe kulemisho lengentasi aletsa muphi umcondvo.  
 Sibonelo: Thishela ufundzela bantfwana libhuku.  
 Imphendvulo: kwentela.  
 (a) Batawubalaphela esibhedlela. (1)  
 (b) Bayalapha nobe sebadziniwe. (1)
- 5.1.7 Bhala lomusho lengentasi ngekusebentisa sihlanganiso lesifanele.  
 (Kepha/Futsi)  
 Kubuhlungu kukhuphuka titepisi. Nakufanele usukume uyadzinwa. (2)
- 5.1.8 Kulomusho longentasi tsatsa sabito sekukhomba wakhe ngaso umusho.  
 Labo labanematsambo labutsakatsaka kumele babonane nadokotela. (2)
- 5.1.9 Cala lomusho lolandzelako ngekutsi: Nkhosatana Dlamini watsi ...  
 'Ninakekele kahle ematsambo enu,' kwasho Nkhosatana Dlamini. (2)

## 5.2 SITFOMBE

Fundza lesibonwa bese uphendvula imibuto lelandzelako.

## ITHEKSTHI G



[Itsetfwe ku-[www.movemag.co.za](http://www.movemag.co.za), Inyoni 12, 2016, Likhasi 64]

5.2.1 Khetsa YINYE imphendvulo. Nguwuphi umcondvo lovetwe ngulamagama ladvwetjelwe efreyimini 1?

- A Kuhlobanisa
- B Kuyamanisa
- C Kuhlanganisa
- D Kucatsanisa

(1)

5.2.2 Khokha ubhale sabito selucobo lesisetjentiswe efreyimini 1. (1)

- 5.2.3 Khipha ubhale umusho lokhomba sandziso sesikhatsi lotfolakala efreyimini 2. (1)
- 5.2.4 Bhala ligama lelikhomba sibaluli kulomusho longentasi.  
Bafundzi labadlalako bawina bonkhe. (1)
- 5.2.5 Shano kutsi lemisho lelandzelako ikutiphi tindlela tesento.
- (a) Kutsintsa ibhola ngesandla nobe umkhono akufuneki. (1)
- (b) Kudlala ukhuluma enkhundleni kubi. (1)

**SAMBA SESIGABA C:** 40  
**SAMBA SAKO KONKHE:** 80